

A O le a e tatau ona tatou faasoa?

❖ O le Komisi Sili

- “O atu... [i] nuu uma” o le poloaiga lea a Iesu na tuuina atu i le nuu na faapotopoto e vaai ia te ia ina ua mavae lona toetu (Mataio 28:18-19a).
- O le ā le mea e tatau ona latou faia? E tatau ona ō e fai ma soo. O lona uiga, ia fesoota’i ma tagata, papatiso i, ma a’oa’o i latou ia ave ma soo o Iesu (Mat 28:19-20).
- O na soo muamua, sa latou a’oa’oina isi soo... ma faapea ai lava mo le lua afe tausaga... seia oo mai i o tatou lava aso. O lenei la, o i tatou ia ua mauaina le poloaiga a Iesu.
- E pei o Peteru ma Ioane, “ma te lē mafai ona lē tautala i mea ua ma vaai ma faalogo i ai” (Gal 4:20). E mafai ona tatou tautala mai luga o se pulelaa, alaga atu i auala, faasoa atu a tatou molimau i luga o ala o faasalalauga, pe na o le faasoa atu foi i se tasi. O loo tatou aafia uma lava.

E Faapefea ona tatou faasoa?

❖ Faataitai ia Iesu

- O le a na unaina Iesu e saili “le mamoe na leiloa” (Mt. 15:24)? E leai se masalosalo, o Lona alofa lea mo i tatou (Mataio 9:36; Efeso 5:2). Ua la tuuina foi Lona alofa i totonu ia i tatou, ina ia mafai ona tatou faasoa atu i e lei iloa Iesu. O nisi taimi, e taumafai tagata e faamalosi isi e talia Iesu mo lo latou lava tau lelei. Ae e le o le auala lea na filifilia e le Atua.
- E le’i faamalosi e le Atua Atamu ma Eva e aua le agasala. E le’i faamalosi e la tagata ao le’i oo le lolo e ulu atu i le vaa. E le’i fa’amalosi foi e la tagata Nineva e talia o Ia. Sa la fetalai atu iā i latou ma le alofa ma lapata’ia i latou i le iuga o le mulimuli i o latou lava ala.
- O le fa’ata’ita’i iā Iesu, tatou te fa’aali atu ai Lona alofa i isi, ma vala’aulia i latou e mulimuli atu iā te Ia.

❖ Atinaeina faigauo

- O i tatou uma o ē folafola atu Iesu ma ua poloaiina i tatou e sauniuni mo lea galuega (1 Peteru 3:15). Ae e le o i tatou uma e iloa le auala e tala’i ai. Peita’i, ua ia i tatou le folafolaga o le a tuuina mai e le Atua lava ia upu e mana’omia (Isaia 50:4).
- O nisi nei o fautuaga faigofie e teu i lou mafaufau a o e manatunatu pe fa’apefea ona e tapena atili e fa’asoa atu Iesu i isi:
 - (1) Ia faauo i se tasi ma fausia se mafutaga faaleuo i se taimi umi
 - (2) Tatalo mo le Agaga Paia e galue i le loto o le tagata. Tatalo mo avanoa talafeagai e fegalegaleai ai ma i latou.
 - (3) Saili ni auala e talanoa ai e uiga i mea na tutupu ia oe e ala i le faatuatua pe fai atu foi se tatalo mo i latou
 - (4) Saili ni auala e fa’afeso’ota’i ai lau uo fou ma isi mai lau ekalesia
 - (5) Tatalo mo ni mana’oga patino po’o ni fesili e ono i ai i lau uo fou
 - (6) Faaali atu auala e faasoa mai ai e le Tusi Paia ni faamafanafanaga, fautuaga, ma taiala mo tatou olaga
 - (7) E oo mai le taimi e te mana’o ai le fesili pe fia su’esu’e e lau uō le Tusi Paia ma oe. Mulimuli ane, atonu e mana’o lau uō e papatiso.

I Faapefea ona toe aumai i latou ua o ese?

❖ E saili le Atua i Lana fanau

- I se taimi, na vaeluaina ai le nuu o le Atua: Na lafoaia e Efaraima (le malo i mātū) le Atua; a e sa tumau pea le faamaoni o Iuta (le malo i saute).
- E ui lava ina tuulafoaiina o ia, ae sa silasila pea le Atua ia Efaraima o Lona atalii pele (Iere. 31:20). Na la faaalua foi Lona tinamatua, o Rasela, o loo tagi ona o lana fanau, o e na oti i a latou agasala (Iere. 31:15).
- O i latou na auauna i le Atua ona latou lafoaia lea o Ia, o loo faaaauu pea ona valaau atu le Atua ia i latou ma le alofa. O i latou o Lana fanau, ma e alofa o Ia ia i latou ma uunaia pea i latou e toe foi atu ia te Ia.
- Atonu o nisi o a tatou fanau, o ē na iloa muamua le faatuatua, ua latou lafoaia. E tatau ona tatou alolofa pea ia i latou ma tautala atu ma le agalelei ia i latou. Ua faamanatu mai e le Atua ia i tatou o i latou o le autu o Lona alofa mutimutivale, ma o loo la finagalo faamaoni ina ia latou toe foi atu ia te Ia.

❖ O loo tatou saili mo le na leiloa

- O a tatou taitoalua; o atalii; o afafine; o uo; o tuaoi; o le uso po o le tuafafine lea sa masani ona nofo mai lenei nofoa o le lotu... sa tatou tapuai faatasi ma i latou, ae o lenei, o fea o i ai i latou?
- E tele māfuaaga e tuua ai e tagata le ekalesia. E lei valaauina i tatou e faamasino le māfuaaga, pe faitioina o latou faanaunauga, pe na o le faagalo foi.
- O lo tatou tiute o le o atu lea e saili ma toe aumai i latou i le lafu. E faapefea ona faia lenei mea? Muamua, e ala i le tatalo. Lua, e ala i le avea ma se faataitaiga o le alofa ma le agalelei ia i latou.
- O le molimau o lou olaga, au amioga, upu, ma tatalo mo se tasi ua sē ese mai le Atua e mafai ona suia atoa ai o latou olaga ma lo latou lumana'i.